

Pajar a moda pli simpla – grazia al nov quint QR

Cuira, ils 30 da zercladur 2020 – A partir dals 30 da zercladur è il nov quint QR en circulaziun en Svizra. Quel simplifitgescha ils pajaments e meglierescha la qualitat da las datas. Il quint QR remplazza ils cedels da pajament cotschens ed oranschs suenter in temp da transiziun da plirs onns.

Il nov quint QR modernisescha vinavant il traffic da pajaments svizzer. El sa cumpona d'ina part da pajament e d'ina quittance. Las infurmaziuns da pajament èn visiblas tant en scrittira preformada sco era codadas en il Swiss QR. Uschia pon tut las indicaziuns relevantas per ils pajaments vegnir registradas a moda automatica ed effizienta e silsuenter cudeschadas da l'emittent dal quint.

Ils avantatgs per il retschavider dal quint

- simpel: cun l'app da mobile banking da la BCG u cun l'e-banking da la BCG (cun u senza lectur da documents) èsi simpel da registrar e da pagar il quint QR.
- standardisà: il format da code QR vala per tut las modas e las referenzas da pajament.
- effizient: tut las infurmaziuns da pajament èn memorisadas en il code QR, uschia ch'i va pli svelto da registrar ils quints, e quai senza far sbagls.

Ils avantatgs per l'emittent dal quint

- independent: il quint QR pon ins crear cun l'agen computer e squitschar cun in stampader usità u al trametter via e-mail en furma da PDF.
- process optimads: las differentas caracteristicas dal quint QR pussibiliteschan in'elavuraziun digitala automatica; quai premetta da las interpresas ch'ellas actualiseschian lur process da crediturs e debiturs en cunvegna cun lur purschiders da software.
- effizient: cun automatisar vinavant il process sa meglierescha la qualitat da las unitads da datas e quai simplifitgescha l'armonisaziun dals pajaments.

Ulteriuras infurmaziuns en il video explicativ sin gkb.ch/qr-rechnung.

A dumondas davart il quint QR respundan gugent las collavuraturas ed ils collavuratur da la BCG, Contact Center, telefon +41 81 256 96 01.

Contact per las medias:

Banca Chantunala Grischuna, Medias & Investor Relations, Chascha postala, 7001 Cuira

Thomas Müller, thom.mueller@gkb.ch, telefon +41 81 256 83 11

Plutarch Chiotopulos, plutarch.chiotopulos@gkb.ch, telefon +41 81 256 83 13

La Banca Chantunala Grischuna sin:

gkb.ch/medien | [Twitter](#) | [Facebook](#) | [Instagram](#) | [LinkedIn](#) | [Xing](#) | [YouTube](#) | [Flickr](#)

La Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universal moderna – per persunas privatas, l'economia ed il maun public. La banca occupa 1010 collavuraturas e collavuratur (stadi dals 31-12-2019). En il chantun Grischun cun sias numerusas vals e pliras linguas, è l'interpresa represchentada cun 50 agenturas, la sedia principala sa chatta a Cuir. La Banca Chantunala Grischuna è participada a la Banca Privata Bellerive AG a Turitg ed a la Albin Kistler AG medemamain a Turitg. En il resultat annual preschenta ella cun ina summa da bilantscha da CHF 28.5 milliardas in gudogn dal concern da CHF 185.5 milliuns. Il scrit da participaziun BCG è quotà a la bursa dapi ils 10 da settember 1985.

Termins

Rendaquint semestral 2020: 23 da fanadur 2020
